



CONVENIO DE COOPERACIÓN ENTRE A CONSELLERÍA DO MEDIO RURAL E DETERMINADOS CONCELLOS PARA A REALIZACIÓN DE OBRAS DE INFRAESTRUTURA RURAL

MEMORIA XUSTIFICATIVA

O director xeral de Desenvolvemento Rural da Consellería do Medio Rural, **DECLARA:**

Que esta Dirección Xeral de Desenvolvemento Rural ten previsto formalizar cos concellos relacionados no Anexo a esta memoria o instrumento convencional arriba referido que entrará en vigor o día da súa sinatura e permanecerá vixente ata o remate da actuación contemplada no mesmo, a comunicación da recepción das obras aos Concellos e a formalización da acta de entrega.

Que o instrumento convencional ten por obxecto :

A execución por parte da Consellería do Medio Rural de obras de titularidade municipal dos concellos de acordo co Anexo a esta memoria e destinalas ao uso público, conforme aos seus correspondentes proxectos de obra.

As obras a conveniar consisten en melloras nas vías rurais municipais nas que, dadas as súas condicións de deterioro, os concellos asinantes consideran prioritarias e urxentes. A súa finalidade é garantir a transitabilidade nunhas condicións aceptables de seguridade vial e de uso.

Así mesmo, a Consellería do Medio Rural considera importante contribuír na execución destas obras, dentro das súas dispoñibilidades orzamentarias e das súas competencias, para a mellora da calidade de vida da poboación rural.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamenta no seguinte:

Estes convenios encádranse dentro dun marco de actuacións en infraestruturas rurais financiadas con fondos propios, solicitadas polos concellos e para as que a Consellería do Medio Rural accede a colaborar tanto no seu financiamento como na xestión da licitación e a execución das obras mediante a sinatura deste instrumento do convenio de colaboración.

As actuacións están diferenciadas respecto de outro tipo de actuacións en base á súa:

Tipoloxía: Actuacións en pontes, núcleos de poboación, entre outros e,

Titularidade: Teñen cabida actuacións supramunicipais, que afectan a varios concellos simultaneamente

Así:

PRIMEIRO.- A Consellería do Medio Rural, en virtude do Decreto 166/2015, do 13 de novembro, é o órgano da Administración galega encargado de propoñer e executar as directrices xerais do goberno no ámbito rural.





En exercicio das súas competencias responsabilízase de accións que teñan como obxectivo directo a mellora da calidade de vida das zonas rurais, desenvolvendo as dotacións de equipamentos públicos básicos e de infraestruturas no medio rural.

SEGUNDO.- Os concellos relacionados no Anexo presentan unha deficiente dotación de infraestruturas rurais no seu ámbito territorial producíndose carencias importantes que frean o seu desenvolvemento rural.

TERCEIRO.- A Consellería do Medio Rural, co obxecto de racionalizar os investimentos en obras de infraestruturas no medio rural, vén de determinar as actuacións a realizar en distintos concellos de Galicia que se desenvolverá de acordo cuns criterios básicos entre os que se sinalan:

- Contemplará proxectos que teñan que ver coa dinamización da base produtiva do medio rural, co obxectivo de dignificar e mellorar a calidade de vida da poboación que reside nestas zonas e contribuír a fixar poboación.
- Poderanse incluír obras de infraestruturas de servizos básicos elementais, como abastecemento de auga domiciliaria, saneamentos, camiños agrícolas e pistas rurais, así como aqueles proxectos singulares que, pola súa natureza, entren dentro da competencia desta Consellería.

CUARTO.- Ambas as dúas partes expresan o seu ánimo de participar e colaborar na consecución deses intereses comúns de apoio ao medio rural galego ao abeiro do Decreto 246/1992, do 30 de xullo, polo que se regulan as condicións para a execución en réxime de cooperación coas corporacións locais para a realización de obras titularidade das mesmas.

Que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector Público, aprobado por Real Decreto Legislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto e a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria en Santiago de Compostela

O director xeral de Desenvolvemento Rural

ASINADO DIXITALMENTE

Miguel Ángel Pérez Dubois



ANEXO RELACIÓN CONVENIOS PLAN INFRAESTRUTURAS RURAIS 2017

IDProxecto	Provincia	Concello/s	Obxecto	Anualidade 2017	Anualidade 2018	Orzamento Máximo
13533	A Coruña	Ribeira	Mellora de firme de camiños	10.251,89 €	41.007,58 €	51.259,47 €
13539	A Coruña	A Laracha	Afirmado e mellora de capa de rodadura do camiño rural SX 45 AC 523 - Vista Alegre, parroquia de Soandres	18.475,73 €	73.902,93 €	92.378,66 €
13532	Lugo	Bóveda	Mellora dos camiños municipais: San Fiz - Eimer - Límite O Incio e San Fiz (LU-546) a Eimer	8.884,05 €	35.536,21 €	44.420,26 €
13536	Ourense	Xinzo de Limia	Mellora de camiños municipais	5.115,82 €	20.463,27 €	25.579,09 €
13537	Pontevedra	Oia	Asfaltado e acondicionamento de camiños no Castañal (Loureza), no núcleo rural de vilar (Pedornes) e no núcleo rural da Portela (Burgueira)	11.119,97 €	44.479,86 €	55.599,83 €
13535	Pontevedra	Campo Lameiro	Reforzo da capa de rodadura do firme no camiño de Conla	9.281,18 €	37.124,73 €	46.405,91 €
13534	Pontevedra	Cerdedo-Cotobade	Plan de infraestruturas rurais 2017-2018 concello Cerdedo- Cotobade	25.150,95 €	100.603,78 €	125.754,73 €
13540	Pontevedra	Pazos de Borbén	Asfaltado de camiños municipais en Moscoso (Cemiterio a Parque)	9.968,95 €	39.875,80 €	49.844,75 €
				98.248,54 €	392.994,16 €	491.242,70 €

